



Совет
Эвилелиниң
Маадыры



**Николай Пантелеевич
КАБАК**

Гвардейжи аттыг Сибирьжи дивизияларның бирээзинге Николай Пантелеевич Кабак чаалажып турган. Ооң дивизиязы Харьковту хостаар апарган. Капитан Вычужанин биле ооң оралакчызы сержант Кабактың командааны 36 солдаттыг бөдүк эн айыылдыг база аар-берге даалга алган: дайзынның камгалал туружунче билдиртпейн эрткеш, дүвүрээзин үндүрбүшаан, оларны чок кылыр. Эрес-дидим чоруун бөдүк көргүзүп, бо чугула даалганы күүседип шыдаан. Ол тулчушкун дээш Николай Кабак баштайгы дайынчы шаңнал – Дайынчы Кызыл Тук орденин алган.

Н.П.Кабак ооң соонда-даа каржы-дошкун тулчушкуннарга киржил, хөй хоорай, суурларны хосташкан. Ынчалза-даа аңаа Днепрни дайылдашышаан кешкени кажан-даа уттундурбас бооп арткан.

Дайзын артиллериядан хемде бистин солдаттарывысты үзүк чок боолап турда-ла, олар черле аткаарлаваан. Караңгы дүне сержант Н.П.Кабак болгаш ооң 24 дайынчы эштери Днепрни октар сыыгайнып турда-ла кешкеш, дайзын-биле тулчушкунну эгелээн. Бөлүк чидиг тулчушкунга 17 дайынчыны чидирзе-даа, командаылар черинин дайынчы даалгазын тергиин күүсеткеннер. Бо тулчушкунга көргүскен маадырлыг чоруу дээш Николай Пантелеевич Кабакка СССРЭ-ниң Дээди Советинин Президиумунун Чарлы-биле Совет Эвилелиниң Маадыры бedik атты тывыскаан.

Н.П.Кабак Тываже тиилелгелиг чанып келгеш, республиканың хөгжүлдезинге бодунун үдүг-хуузун кирип, шалыпчы ажылдап, аныяк-өскенге үлегерин көргүзүп чораан.

Адыгжы СААЯ белеткээн.